

# চাতকাতুর অশ্বেষা

অহর্নিশি এস্তার চারিদিক---

পথপ্রান্তর মাঠঘাট হিজলতমাল তরুছায়া

সাগর পাহাড় রাজপথ নদনদী খালবিল

জলস্থল অন্তরীক্ষে যত সব যানবাহন হাটবাজার

সচিবালয় সংসদ অফিস আদালত কাছারি কারখানা

রাজসভা জনসভা মিছিল মিটিং ভোজসভা

শিক্ষালয় বাণিজ্যালয় ধর্মশালা মন্ত্রণালয়

টেকনাফ থেকে তেঁতুলিয়া কুয়াকাটা থেকে জাফলং

বান্দরবানের কেওক্ৰাডং থেকে মেহেরপুরের আম্রকানন

একুশের বই মেলা কিংবা বৈশাখি রমনার বটমূল---

এই সব নির্মিলিত নেত্রে তন্নতন্ন করেছি একাকার

কিন্তু হা হতস্মি কোথাও তার দেখা পাওয়া ভার---

হ্যাঁ, আমি সাচ্চা দেশপ্রেমিক নির্ভিক যোদ্ধার অশ্বেষায়

দিগ্বিদিক ছুটেছি প্রাণান্ত স্বাধীনতার চেতনায়

সেই সে মন্ত্রে আবার কি কোথাও কেউ জন্মেছে

পুনর্বীর মুজিব সিরাজ খুদিরাম সূর্যসেন

সুভাষ বোস প্রীতিলতা কিংবা মাতঙ্গীনি হাজরা???

আমি তাঁদের অপেক্ষায় রইব চাতকাতুর তৃষিত

আজীবন এবং জন্মজন্মান্তর---

বীরেন অধিকারী

ঢাকা, ৭ মার্চ ২০০৬